

## Was merr su babbeld

Honnes? Was issen los? Schläfsde?  
Quatsch. Ich medidier.  
Was mächsde? Du host geschloofe, gelle?  
Geschloofe! Weil isch die Aache zu hadd?  
Ja, dessdeweese.  
Isch schloof nitt, isch meditier.  
Ferr was issen dess gut?  
Ferr alles.  
Wie, ferr alles.  
Ferr alles in moim Körper.  
Dess kann nitt soi.  
Warum nitt?  
Weil du debei im Lehnstuhl sitze dust.  
Ja, isch misst misch uff de Boddem setze.  
Doo mach dess aach.  
Doo kumm isch nimmi hoch.  
Isch kann derr helfe.  
Ei bei was donn?  
Beim Hochkumme.  
Naa, isch bleib hier hogge.  
Donn medidier weider.  
No ja, medidiern ... isch due noochdenke.  
Iwwer was donn?  
Iwwer de Weltunnergong.  
Wie, de Weltunnergong?  
No ja, wie die Welt emol unnergiehd.  
Unn was hott dess mett dir ze due?  
Nix. Awwer dess kimmt irschendwonn.  
Awwer doch moie nitt.  
Waaß merrs?  
Bestimmt nitt. Due liewer noochdenke iwwer ...  
Du musst merr nitt saache, iwwer was ...  
... du noochdenke sollst. Trotzdem.  
Wie? Trotzdem?  
Denk nooch, wo de die Fotos finne dust.  
Isch habbse iwwerall gesucht, isch finn se nitt.  
Weil de nitt genuch driwwer medidierd host.  
Doch. Awwer isch kumm nitt druff.  
Hosde schunn de heilische Antonius oogerufe?  
Habb isch. Awwer dess hott aach nitt geholfe.  
Die scheene Fotos vunn dem Ausfluuch.  
Ja, die wollde merr de Enkel zeische.  
Heit isses joo onnersders.  
Ja, doo kennt isch se gleisch per Mehl schigge.

Honne498

Die alde sinn halt noch uff Babier.  
Also, wo sollen isch noch suche?  
Denk driwwer nooch. Isch gieh in de Keller.  
Gieh in de Keller, isch due noochdenke.

Wo warsden?  
Im Keller.  
Was hosden doo gemacht?  
Ei die Fotos gesucht.  
Unn?  
Hier sinn se.  
Wo warn die donn?  
Im Schuhregal.  
Wie, im Schuhregal?  
Ja, inneme Schuhkarton im Schuhregal.  
Wer hodden den Karton doo enoi gestellt?  
Ja, Honnes, doodriwwer mussde medidiern.

Eiern Honnes